

ԱՐՄԵՆ ԱՅՎԱԶՅԱՆ

ՀԱՅ ԵԿԵՂԵՑՈՒ ՆՎԻՐԱԿԱՆ ԿԱՌՈՒՅՑԸ ԺԶ-ԺԸ դարերում

Հայ եկեղեցու նվիրակական հաստատությունը մեզանում, ցավոք, առանձին ուսումնասիրությունների առարկա դեռևս չի դարձել: Ուստի դժվար է ստուգապես ասել, թե այն ե՞րբ է ստեղծվել և սկզբնապես ի՞նչ գործառույթներ է ունեցել:

Սուրբ մյուռոնի բաշխումն անկասկած կաթողիկոսական նվիրակի ամենավաղ հաստատված պարտականություններից մեկն է եղել. Ժ-ԺԱ դարերում խմբագրված Հայոց կանոնագիրքն արդեն որոշակիորեն կարգավորում էր մյուռոնի բաշխումը.

Եպիսկոպոսունք մի իշխեսցեն միւռոն արհինել կամ յաւելուած առնել եւ տալ քահանայից, այլ ամ յամէ ի հայրապետանոցէն առցեն ըստ կանոնական հրամանի սուրբ հարցմ:

Սկզբնաղբյուրներում Ամենայն հայոց կաթողիկոսի նվիրակի մասին մեզ հանդիպած ամենավաղ վկայությունը վերաբերում է 1290 թ.² (1317-1318 թվականներին գրված մի վավերագիր արդեն հիշատակում է նվիրակի՝ մյուռոնի բաշխման առաքելությունը)³:

Հնարավոր է, որ նվիրակի պաշտոնը կանոնադրորեն հաստատված լինի 1246-ից մինչև 1290 թ. ընկած միջոցին, որովհետև 1246 թ. Կոնստանդին Բարձրբերդցի կաթողիկոսը, Կիլիկիայից բուռն Հայաստան ուղարկելով Վարդան Արևելցուն և հանձնարարելով Հայաստանի ամբողջ ժողովրդին ընդունել նրան իբրև կաթողիկոսի փոխանորդ՝ «փոխանակ անծին իմոյ» (որ, ինչպես շուտով կտեսնենք, նվիրակի հիմնական առաքելություններից էր), այդուհանդերձ՝ Վարդան վարդապետին «նվիրակ» չի անվանում⁴: Կիրակոս Գանձակեցին ևս, հիշատակելով նույն այցը մոտավորապես 1200-1271 թթ., Վարդանին «նվիրակ»

չի կոչում⁵։ Այսքանից թերևս կարելի է եզրակացնել, որ ժԳ դարի կեսերին նվիրակի պաշտոն դեռևս գոյություն չուներ և անհայտ էր ժամանակակիցներին։ Դետևաբար, պատմաբանասիրական գրականության մեջ՝ 1246 թ. այցի կապակցությամբ, Վարդան Արևելցուն նվիրակ անվանելը պետք է դեռևս պայմանականորեն ընկալել⁶։

Ինչևէ, ժԶ-ԺԸ դարերում Դայ եկեղեցու ներքին կառույցում նվիրակների կշիռն զգալիորեն աճել էր։ Պատահական չէ, որ իր հեղինակած աղոթքներից մեկում Ղազար կաթողիկոսը հատուկ բարենաղթանքով է նրանց դիմում.

Մեծազան աշխատութեամբ վաստակօղ Նուիրակացն մերոց, որք ընդ ոլորտս տիեզերաց՝ գորութիւն եւ կարողութիւն՝

Որո՞նք էին, ուրեմն, Ս. Էջմիածնի նվիրակի պարտականություններն ու իրավասությունները։ 1760 թ. Մայր Աթոռում Սիմեոն վարդապետ Երևանցու ձեռքով գրված մի նամակում, կարդում ենք, որ Ս. Էջմիածնի

նուիրակին գործն այն է, որ զպատուիրանս Աստուծոյ քարոզէ եւ հոգեւորապէս իշխէ ժողովրդեանն եւ զսուրբ միւռոն բաշխեսցը՝

Այսքանով, սակայն, նվիրակի իրավասությունները չէին սահմանափակվում։ Նույն նամակը, որ գրվել էր ի պատասխան ինչ-որ վիճակից Ս. Էջմիածնի նվիրակի մասին ուղարկված բողոքի, ունի նաև հետևյալ հետաքրքրական տողերը.

Գրեալ էիք [կաթողիկոսին], թէ գրեա՛նուիրակին, որ մեր խօսիցն հետեւիցի... յայսքան քաղաք եւ յայսքան յերկիր նուիրակք գնան, ի միոյ մեծէ կան ի փոքունէ ոչ ենք լուեալ, թէ՛ «սրբազան հայր, գրեա նուիրակին, որ մեզ հետեւիցի»։ Քանզի ի քնէ այսպէս է կարգն, որ սրբազան հայրն կոնդակ գո՛ւ ժողովրդեանն, թէ՛ «իլու եւ հնազանդ լինիցիք նուիրակիս մերուն»։ Եւ նուիրակին եւս հրաման տայ սաստելոյ եւ յանդիմանելոյ, կապելոյ եւ արծակելոյ...

Պարզվում է, որ այս նամակը գրելիս, Սիմեոն Երևանցին ձեռքի տակ է ունեցել ու իբրև կաղապար օգտագործել իրենից ավելի վաղ գրված կաթողիկոսական մի կոնդակ, որը հաջողվեց հայտնաբերել։ Դա Ղազար Ա Ջահկեցի կաթողիկոսի (1737-1751) հեղինակած և հետագայում կաղապարային փաստաթղթերի շարքում ընդգրկված մի անթվական կոնդակ է, որն ի թիվս այլ խնդիրների, հաստատում է, որ ժողովուրդն ու հոգևոր դասը պարտավոր են ենթարկվել Ս. Էջմիածնի նվիրակին՝ «որդիական խոնարհութեամբք՝ հլուք, հնազանդք եւ հպատակք լինիլ դմա» (այստեղից են վերցված Սիմեոնի՝ «իլու եւ հնազանդ լի-

նիցիք նուիրակիս մերում» բառերը⁹։ Շատ հավանական է, որ Ղազար Ջահկեցին ևս ունեցել և իր հերթին իբրև կաղապար է օգտագործել ավելի վաղ գրված կաթողիկոսական նույնաբնույթ մի ինչ-որ այլ կոնդակ։

Իսկ 1765 թ. գրված իր «Ջամբռ»-ում Սիմեոն երևանցին հետևյալ նշումներն է արել նվիրակ առաքելու և նվիրակների իրավասությունների մասին.

ըստ ժամանակին զնուիրակունս առաքել առ յամենեսեան իրո փոխանորդ ինքեան՝ ի քննել եւ վերահասու լինել զորպիսաբար կացութեանց եկեղեցեաց եւ եկեղեցականաց, զհւղն Սատուածագործ բաշխել ի յօժումն օծելոց եւ ի սրբազնագործել զսրբագործելիսն...

Եւ նուիրակն սորին որքան ի յեկեղեցիս իւրեանց կացցէ՝ հնազանդութեամբ եւ անտրտունջ ընդունին, հոգալով զպիտոյսն կերակրոց եւ ըմպելեաց. յիշեն եւ զանունն ի յեկեղեցին նախքան զանուն Սոաքնորդին իւրեանց՝ նախագահ ունելով քան զնա տեղեալ եւ պատուով (ընդօժումն իմն է՝ Ա.Ա.)¹⁰։

Այսպիսով, Ս. Էջմիածնի նվիրակը հանդես էր գալիս իբրև Ամենայն Հայոց կաթողիկոսի փոխանորդ ու, որպես այդպիսին, ավելի մեծ հոգևոր լիազորություններ և իշխանություն ուներ, քան իր նվիրակության տարածքի մեջ մտնող որևէ վիճակի առաջնորդը։ Վերատեսչությունից զատ, նվիրակների մյուս կարևոր գործն էլ Ս. Էջմիածնի օգտին նվիրատվություն կազմակերպելն էր (կամ, մերօրյա անգլերեն հայտնի եզրով՝ fundraising-ը)։ Այս աշխատանքների մասին որոշակի պատկերացում կարելի է ստանալ՝ 1629-1631 թթ. Կաֆայում Ս. Էջմիածնի նվիրակի ծավալած գործունեության վերաբերյալ ժամանակակից տված հետևյալ հաղորդումներից.

Խաչատուր վարդապետն եկաւ Էջմիածնայ լուսափութս մեռոնալ, որ էր նուիրակ նորընծա Տէր Մովսէս կաթողիկոսին, Բ (2) աշակերտ ունէր, մինն ճգնաւոր, մինն՝ կիսասարկաւագ...Նուիրակ վարդապետն դատապարտեց ըզքահանայքն, Դ-Ե (4-5) քահանայ արգիլեց, տուգանք իառ, ոսկի, գիրք, խաչ, ըսկի, որքն կամաւ, որն ակամայ, ժողովուրդ ալ բանաղորեց՝ Վարդանն, Յարութիւնն եւ այլ մէկ քամիքն։ Քաղցիս ժամերն ամէնն ժուռ եկաւ, ինչ որ տըլին էառ՝ զաւագան տըլին, ասմաւուրք տըլին...Նուիրակ կացուց պարոնտերն եւ տէր Սկրտիչն ուղարկեց Կէզլով, Պախչա-Սարայն, Խարա-Սուն, գեղրանքն ընթանուր [խըր]մին երկիրն. զընացին, նուիրակեցին ու բերին... Եւ դարձեալ ինքն եկաւ զընաց, մէմ ալ ինքն նուիրակեց, ետոյ յեկաւ նըստաւ Խարա-Սուն, խապար խըրկեց կաֆացոց, զիս եկէք առէք, կամ մեռոնըս ուղարկեցեք։ Մենք մեռոնն ուղարկեցաք, ետոյ բարկացաւ մեզ կաֆացոցս։ Ելան դաւկաթորայք եւ քահանայք հաւասար զնացաք, ապա ուրախացաւ, Գ (3) ժամէս Ծ (100) խոուշ ուզաց, Բ (2) ժամէն Լ (30) խոուշ էառ, ետոյ մեռոնն թափեց Խարա-Սուն...

*Թվականն ՌԶ (1631) այսաւր շաբաթ օր է, ապրիլի L (30) է, այս եկաւ
ան սահաթին մտաւ նաւ եւ գընաց. Աստուած բարի ծանապարհ տայ¹¹:*

Այս և այլ հաղորդումներից երևում է, որ Ս. Էջմիածնի նվիրակները ու-
նեցել են նաև օգնականներ և գործակալներ, որոնք հաճախ նույնպես նվիրակ
են կոչվել:

Սեփական պետքերն ու ծախսերը հոգալու համար մերձակա և հեռա-
վոր շրջաններ «նվիրակներ» են առաքել նաև Գանձասարի և Աղթամարի կաթո-
ղիկոսները, Երուսաղեմի պատրիարքը, առանձին վանքերի և թեմերի առաջ-
նորդները, սակայն, ի տարբերություն Ս. Էջմիածնի նվիրակների, սրանց գործու-
նեությունը սահմանափակվել է զուտ դրամահավաքով և որևէ հոգևոր-վերա-
տեսչական իշխանություն ու գործառույթ չի պարունակել: Ուստի մեր հետազո-
տության նպատակներից դուրս է այս «տեղական» նվիրակների գործունեու-
թյանը հատուկ անդրադառնալը: Միայն եղիազար Այնթապցու ստեղծած հակա-
թոռ կաթողիկոսության օրոք էր՝ 1665-1680 թթ., որ Օսմանյան կայսրության տա-
րածքում Ս. Էջմիածնի նվիրակները կարող էին բախվել մյուռոն բաժանող և
նմանատիպ լիազորություններով օժտված «մրցակից» նվիրակների¹²:

Ս. Էջմիածնի նվիրակը հավաքում և իր հետ Մայր Աթոռ էր բերում հե-
տևյալ կարգի նվերներ՝ «վարագոյր, գոգնոց, աթոռ, կոնք, սկիհ, աւետարան, շա-
պիկք եւ շուրջառք. բերի ընդ իս եւ մեծագին քահ մի», - պատմում էր Կ. Պոլսում
նվիրակած Պետրոս Զյուրթուր վարդապետը¹³:

Ս. Էջմիածնի նվիրակի պաշտոնն, իր գործառույթներով, որոշակիորեն
համընկնում է Հռոմեական Կաթոլիկ եկեղեցու առաքելական դելեգատի կամ լե-
գատի պաշտոնին¹⁴, որի մասին դեռևս Ժե դարի սկզբին Սիմեոն Լեհացին ճշգ-
րիտ տեղեկացնում էր.

*Այլ եւ ունի Փափն ամէն երկիր Լեկաթ, որ է նուիրակ: Եւ ամէն տարի
Եմէրալնի առաքէ առ ի դատել եւ քննել զանուղղայ կարգաւորս եւ դնել
հարպետ (=փոխանորդ), առաջնորդ, վանաց հայր: Եւ այսպէս ամէն
երեք տարի փոխեն եւ այլ դնեն. այսպիսի կարգաւ վարին: Եւ սահման
կայ ի մէջ նոցա, զի ոչ ոք չկարէ դատել զկարգաւորսն, բայց միայն
եպիսկոպոսն, եւ զեպիսկոպոսն՝ Փափն կամ Լեկաթն¹⁵ (ընդգծումն՝
Ա.Ա.):*

Հետաքրքիր է, որ Ս. Էջմիածնի նվիրակի պաշտոնավարության ժամկե-
տը, կարծես նմանօրինակված լինելով, նույնպես երեք տարի էր: Այսպես, Ս. Էջ-

միածնի Եվրակները՝ «Եվրակության ժողով» անելու, այսինքն՝ հանգանակություն և Եվրատվություններ հավաքելու նպատակով կարող էին մուտք գործել նույն բնակավայր՝ Մախորդ Եվրակությունից երեք տարի անց միայն: Ինչպես հաղորդում է 1725 թ. կեսերին Եվրոկիա մտած Ս. Էջմիածնի Եվրակի գրագիրը.

*Երեք օրեն ապա հասի յԵվրոկի,
բայց անդ չէր ժամ նուիրակութեան ժողովի,
զի դեռ երկու ամ անցեալ էր նուիրակի.
վասն այն թողաք եւ զմացաք ի Ղայսերի»¹⁶:*

Սակայն, հաջորդ տարի՝ 1726 թ., նրանք վերադառնում են Եվրոկիա և Եվրակություն կատարում.

Իսկոյն ապա դարձաք քաղաքն յԵվրոկի,որ այն միայն մնացեալ էր եզակի. անդ արարաք զնուիրակութիւն ըստ կարգի, որպէս վերոյ ութերորդի տանն յիշի»¹⁷:

Նվիրակություն անելու ավանդական եռամյա ժամկետը հաստատում է նաև Եվրեն կաթողիկոսի (1809-1830)՝ վերոհիշյալ կոնդակը. «Ժամանակ շրջագայելոյ նուիրակաց ի վիճակի իւրեանց պայմանեալ է լինիլ երեք ամ»¹⁸: Սիմեոն Երևանցին, օրինակ, Յնդկաստանում Եվրակություն արեց երեք ու կես տարի¹⁹:

Այնուամենայնիվ, դեռևս վաղ է հաստատապես եզրակացնել, թե ո՞ր ուղղությամբ է կատարվել Եվրակության երեք տարվա ժամկետի փոխառումը. արդյոք Ս. Էջմիածի՞մն է կաթուղի եկեղեցու փորձն ուշադիր ուսումնասիրել և Եվրակության վերաբերյալ այս ու մի շարք այլ կամոնադրական կետեր փոխառել, թե գուցե Ջոն՞մն է նկատել հայ եկեղեցու Եվրակության կառույցի արդյունավետությունը և որոշել է այն ընդօրինակել: Թեև երկրորդ տարբերակը պակաս հավանական է թվում, բայց և այնպես այդ չի կարելի բացառել թեկուզ այն պատճառով, որ կաթուղի Եվրակների՝ լեգաթների, նունցիների, ինթերնունցիների աստիճաններն ու նրանց գործունեության կանոններն առաջին անգամ պաշտոնապես հաստատվել են Գրիգոր ԺԳ պապի գահակալման օրոք՝ 1572-1585 թթ.²⁰, երբ հայ Եվրակությունն արդեն վաղուց գործող համակարգ էր: Կաթուղի եկեղեցու օտարերկրյա մշտական ներկայացուցչությունը (նունցիների հաստատությունը) և բավական ուշ է ձևավորվել՝ ԺՁ դարի առաջին կեսին: Չի բացառվում նաև, որ դարերի ընթացքում հայ և կաթուղի եկեղեցիները միմյանցից ընդօրինակած լինեն Եվրակական գործունեության զանազան տարրեր:

Ի՞նչ դժվարություններ ու բարդություններ էին պատահում Ս. Էջմիածնի նվիրակի աշխատանքում:

Նախ, նվիրակի պաշտոնը երբեմն շատ վտանգավոր է եղել: Թուրք-պարսկական երկարամյա պատերազմներից մեկի (1501-1515 թթ.) միջոցին՝ 1506 թ., Կ. Պոլսով Ղրիմ ու Լեհաստան անցած ու վերադարձած Ս. Էջմիածնի նվիրակներին՝ մեղադրելով Իրանի օգտին լրտեսություն անելու՝ եվրոպա անցնելու ու Օսմանյան կայսրության թշնամի քրիստոնյա պետությունների հետ կապ հաստատելու փորձի մեջ, դատապարտում են գլխատման:

*Յեջմիածնէն նուիրակը եկան
Բոլոր աշխարհս շոռոմոց Տան:...Ասին չաշուտ (=լրտես) են միաբան,
Սօֆին (=Իրանի շահը) ղրկել ի Ֆրանկիստան...²¹*

Մեկ այլ սկզբնաղբյուր նույն դեպքը վերագրում է 1503 թվին. «Թվ. ԶԾԲ Ըստըմպօլն՝ գտեր Յովհաննէսն, գտեր Ղաւիթն, գտեր Սարգիսն՝ որք էին յեջմիածնայ նվիրակք, նահատակեցան...»²²:

Ավելի հաճախ, սակայն, բարդությունները լինում էին հոգևոր-վարչական գերիշխանության հողի վրա վիճակների և թեմերի առաջնորդների հետ, քանզի նվիրակը, ինչպես վերև արդեն ասվեց, Ամենայն Հայոց կաթողիկոսի փոխանորդի կարգավիճակ ունենալով, ուներ նաև վերահսկողի դեր: Նվիրակն ու առաջնորդը, միմյանց հավասարակշռելով, միշտ գտնվում էին բավական մուրր հարաբերությունների մեջ: Զուր չէր, օրինակ, Գրիգոր Շղթայակիրը՝ Կոլոտին գրած մի նամակում (9 սեպտեմբեր 1724 թ.), շեշտում Ս. Էջմիածնի նվիրակին ընդունելու և նրա հետ աշխատելու «տաժանելիությունը».

*Եւ լաւ ես արարեալ, զի սիրով ընկալեալ ես զնուիրակ վարդապետն.
Աստուած տայ զի մինչեւ ի վերջն սիրով լիցի, թպէտ է՝ յոյժ տաժանելի²³:*

Իսկ Կ. Պոլսի պատրիարք Հակոբ Նալբանդ (1741-1764), դառնացած Ս. Էջմիածնի կաթողիկոսների և նրանց նվիրակների հետ իր և Կոլոտ պատրիարքի ունեցած տհաճ խնդիրներից, մեղադրում էր.

*Նուիրակքն՝ անօրէնք,
Ուղարկօղքն՝ անիրաւք,*

*Տգրկապէս ծըծին զարիւն՝
Զազգս խնայօղ մարդ չի մըղաց²⁴:*

Ի մի քերեմք: ԺԶ-ԺԸ դարերում՝ իր նվիրական կառույցի միջոցով Ս. Էջմիածինն ապահովում էր ինչպես Հայ եկեղեցու բավական արդյունավետ կառավարումն ու վերատեսչությունը, այնպես էլ իր եկամուտների մեծագույն մասը: Ս. Էջմիածնի նվիրականների ցանցն այն առանցքային օղակն էր, որ կապում էր աշխարհասփյուռ հայությունը հայկական օրենքներին, ավանդույթներին, և, ի վերջո, նաև հայրենիքին ու համազգային Հաիերին:

¹ Տե՛ս Կանոնագիրը Հայոց. Աշխատասիրությամբ՝ Վազգեն Հակոբյանի: Հ. Բ. Երևան, ԳԱ հրատ., 1971, էջ 7. հմմտ. Կանոնագիրը Հայոց: Աշխատասիրությամբ՝ Վազգեն Յակոբյանի: Խ. Ա. Երևան, ԳԱ հրատ., 1964, էջ 519:

² Տե՛ս Ստեփաննոսի Սինեաց եպիսկոպոսի Պատմութիւն Տանն Սիսական, էջ 321-322. Պատմութիւն նահանգին Սիսական, էջ 439:

³ Տե՛ս Լեւոն Խաչիկեան. Արտագի հայկական իշխանությունը եւ Ծործորի դպրոցը. - Բանբեր Մատենադարանի, 1973, հմր. 11, էջ 151:

⁴ «...եւ առաքեցի առ ձեզ զարդինական վարդապետդ զՎարդան փոխանակ անձին իմոյ... եւ փոխանակ ասեմ զանձն իմ, զի ընդունիցեք զդա սիրով... Այլ եւ ամենայն պաշտելի եւ երկրպագելի սրբութիւնս իմուս երեսօք ընկալցին զերկրպագութիւն եւ աղօթս՝ դիմօք Վարդան վարդան վարդապետդ իմ, եւ ձերովդ»... - Կիրակոս Գանձակեցի. Պատմութիւն հայոց: Աշխատասիրությամբ՝ Կ. Ա. Մելիք-Օհանջյանյանի (Երևան, ԳԱ հրատ., 1961), էջ 298-299:

⁵ «...զի ծերացեալ էր նա, զվարդապետն (իմա՝ Վարդան Արեւելցին, Ա.Ա.) փոխանակ իւր ընդունիցին»... - Նույն տեղում, էջ 295:

⁶ Մաղաքիա Օրմանեան, Ազգապատում: Հ. Ա-Բ, Կ. Պոլիս, 1912-1914, սյուն. 1124 (Օրմանյանը իր այս զլուխն այդպես էլ անվանել է՝ «Վարդան նուիրակ»): Վարդան Արեւելցի. Մեկնութիւն քերականի: Աշխատասիրությամբ՝ Լ. Գ. Խաչերյանի (Երևան, ԳԱ հրատ., 1972), էջ 6 (Խաչերյանը նրան անվանում է «կաթողիկոս նվիրակ»):

⁷ Դազար Ջահկեցի, Գիրք աղօթից որ կոչի՝ Աստուածաղբերս: Կ. Պոլիս, 1742-1744, էջ 251:

⁸ Մաշտոցյան Մատենադարան, Կաթողիկոսական դիւան, թղթ. 1, վավերագիր 53:

⁹ Մաշտոցյան Մատենադարան, ձեռագիր 9120, էջ 45ա:

¹⁰ Սիմեոն Երեւանցի. Զամբռ. Վաղարշապատ, 1870, էջ 52-53: Նվիրականների իրավասություններն ու պարտականությունները առավել մանրամասն նկարագրված են Եսիրեն Ա Ձորագեղցի կաթողիկոսի (1809-1830) իրաւնաւով կազմված մի հատուկ հրահանգում («Ցուցակ պաշտօնի եւ պատուիրանաց յանձնեցելոց նուիրակին յառաքելն զնա ի վիճակ») - տե՛ս Դիւան հայոց պատմութեան: Աշխատասիրութեամբ՝ Գիւտ Աղանեանցի: Գիրք Գ, Թիֆլիս, 1894, էջ 807-824:

¹¹ «Մանր ժամանակագրություններ ԺԳ-ԺԸ դարերի»: Կազմեց Վ. Ա. Հակոբյան, Հ. Ա. Երևան, 1951, էջ 217-218:

¹² Ա. Չովհաննիսյան, Հակոբ Դ Ջուղայեցի կաթողիկոսը եւ տաճկահայ նվիրականություն խնդիրը. - «Վարդապատ», 1915 (փետրվար-մարտ), էջ 195-205:

¹³ Մ. վ. Չամչեանց. Պատմութիւն Հայոց: Հ. Գ, Վենետիկ, 1786, էջ 829:

¹⁴ Առաքելական դելեգատի տարատեսակ են մահ Հռոմի պապի կողմից շնորհվող նույնի կամ ինտերնուցիի աստիճանները, որոնք, սակայն, մալս եւ առաջ միջպետական ոլորտին (եւ ո՛չ զուտ կաթոլիկ եկեղեցու ներքին խնդիրներին) վերաբերող դիւանագիտական պաշտոն են:

¹⁵ Սիմեոն Լեհացի, Ուղեգրութիւն, տարեգրութիւն եւ յիշատակարանք: Ուսումնասիրեց եւ հրատարակեց Ներսէս Ակինյան: Վիեննա, Մխիթարյան տպարան: 1936, էջ 108. հմմտ. Энциклопедический словарь. Том XXI. Издатели: Ф.А. Брокгауз (Лейпциг), И. А. Ефрон (СПБ). СПб, 1897, с. 427.

¹⁶ Մաշտոցյան Մատենադարան, ծեռ. 9245, էջ 56ա:

¹⁷ Նույն տեղում, էջ 56բ:

¹⁸ Դիւան Հայոց պատմութեան. Գիրք Գ, էջ 815:

¹⁹ Մաղաքիա Օրմանեան. Ազգապատում, սյուն. 2070:

²⁰ Советская историческая энциклопедия. Том 10. Москва, 1967, с. 378.

²¹ Հայոց նոր վկաները. 1155-1843: (Գիտական հրատարակութիւն): Աշխատասիրութեամբ Յ. Սանանդեանի եւ Հ. Աճառեանի, Վաղարշապատ, 1903, էջ 340, 342:

²² Ալիշան, Դեռնդ. Կամենից. Տարեգիրք Հացոց Լեհաստանի եւ Ռումինիոյ հաւաստչեայ յաւելումովք: Վենետիկ-Ս. Ղազար, 1896, էջ 16:

²³ Խոսքը վերաբերում է Սիմեոն Երևանցի վարդապետին. -«Դիւան Սուրբ Յակոբի». - Սիոն, 1971, էջ 364. հմմտ. էջ 361:

²⁴ Այս չափածոն ամբողջութեամբ տպագրված է, տե՛ս Շուշանիկ Նազարյան. Ողբի եւ սքափման բանաստեղծություն: Երեւան, ԳԱ հրատ., 1992, էջ 350, 437-439: